



Broj: UP1-05/1-27-031696/15  
Tuzla, 17.11.2015. godine.

Ministarstvo trgovine, turizma i saobraćaja Tuzlanskog kantona rješavajući po zahtjevu prijevoznika „ČEKTALO - PROMET“ d.o.o. iz Sapne za brisanje autobuske stanice na redu vožnje kantonalne autobusne linije VITINICA - Sapna - Kalesija - TUZLA na osnovu člana 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra ("Službeni novine FBiH", br. 79/13, 91/14 i 98/14) i člana 200. Zakona o upravnom postupku („Službene novine FBiH“, br. 2/98 i 48/99), donosi

## RJEŠENJE

1. Prijevozniku „ČEKTALO - PROMET“ d.o.o. iz Sapne **ODOBRAVA SE** brisanje „Autobuske stanice Simin Han“ upisane u stari red vožnje na kantonalnoj liniji VITINICA - Sapna - Kalesija - TUZLA sa vremenom polaska iz Vitinice u 06,00 i 08,00 i vremenom povratka iz Tuzle u 12,15 i 14,10, a koji je zaveden u registar kantonalnih redova vožnje pod brojem: 2/2012 od 01.10.2012. godine.
2. U skladu sa tačkom 1. ovog rješenja izvršiti ovjeru reda vožnje i itinerara sa rokom važenja do 31.03.2016. godine.
3. O izmjeni reda vožnje na navedenoj liniji prijevoznik je dužan obavijestiti autobuske stanice koje ima upisane na registrovanom redu vožnje.

## Obrazloženje

Prijevoznik „ČEKTALO - PROMET“ d.o.o. iz Sapne obratio se zahtjevom broj: 21-10/15 od 21.10.2015. godine kojim traži da mu se na kantonalnoj autobuskoj liniji VITINICA - Sapna - Kalesija - TUZLA, zavedenoj u registar kantonalnih redova vožnje pod brojem 2/2012 od 01.10.2012. godine, odobri promjena, tj. brisanje „Autobuske stanice Simin Han“ koju ima upisanu u registrovanom redu vožnje.

U skladu sa članom 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra u registracijskom periodu, izvan postupka koji je regulisan ovim Pravilnikom, mjerodavno tijelo koje vodi Registar može vršiti promjene na registrovanom redu vožnje, tako da taj red vožnje u odnosu na usaglašeni i registrovani red vožnje ima status starog reda vožnje sa statusnom promjenom.